

CHAPTER 27

Jonel

PRANK



Tangina, ano ang ginawa mo, Jonel? Bakit mo hinalikan?

Tumitili ang Shadow sa tainga ko nang makalabas ako ng kwarto ni Anne.

Ako naman ay parang napaso at naduwag kaya lumabas ako ng kwarto.

Pero, putangina, ang lambot ng labi niya.

“Paano ako matutulog nito?” bulong ko sa sarili ko.

Paikot-ikot ako sa corridor, sa labas ng kwarto ni Anne. Ilang beses ko na rin naihilamos ang dalawang kamay ko sa mukha ko pero hindi pa rin tapos kiligin ang Shadow sa kabilang line.

“Jonel, putangina, nagkiss ba kayo? Tell me? Kinikilig ako sa pagbabanta natin kanina.”

Hay, hayop na iyan, may nakarinig sa akin.

I pressed my earpiece harder, hoping it would magically shut her up. Pero hindi—lalo lang siyang nag-fan-fangirl sa kabilang linya.

“Nananaginip ba ako?” I asked my Shadow.

“Hindi,” she replied giggling.

Huminga ako ng malalim at ibinuga ang hangin. Mga tatlong ulit hanggang sa kumalma ako. Pero tangina, biglang bumukas ang pinto ni Anne at lumabas siya.

Nagkatinginan kami sandali. Namula siya ng kaunti.

She cleared her throat before she asked, “Alam mo kung nasaan si Kuya?”

"Ipapahanap ko. Bakit?" sagot ko agad, pilit kinakalma ang sarili.

"Ipapabitay lang kita. Ninakawan mo ako ng halik," sabi niya at isinarado ang pinto.

Isang nakakabinging tili ang ginawa ng Shadow ko.

Napahawak ako sa sentido ko. Tangina. Ang Shadow ko, hindi na natigil.

"Joneeeee!!!!!!!!!! First base! First base!" Sigaw siya nang sigaw at mukhang pinagkalat pa sa buong Shadow Department ang narinig.

"Huwag kang maingay," sigaw ko sa kabilang line.

"Ma'am Sakura!" she shrieked, like she just spotted a celebrity.

"Putangina," bulong ko ulit, sabay bagsak ng likod ko sa malamig na pader.

Hindi ko alam kung matatawa ako o mababaliw.

Natitigil ang kilig sa kabilang linya nang biglang may sumabat na boses sa earpiece ko.

"Jonel, may activity si Anne. She's making a call..."

Nakapikit na ako, umaasang hindi ko maririnig ang susunod. Pero ayun na nga.

"...to Maxime."

Parang may sumabog na granada sa dibdib ko. Automatic ang lumabas sa bibig ko ang utos, "Divert to morgue."

Sinusubukan talaga ako ni Anne Louis.

Tumahimik saglit sa linya. Tapos sabay-sabay na may tumawa.

"Putangina, on it!" Halos malaglag 'yong Shadow ko sa kabilang dulo. *"Morgue line activated!"*

"Shut up," iritado kong sagot, pero naririnig ko na ang kalat ng tawanan sa buong departament.

"Jonel, aminin mo na kasi kay Anne para 'di ka pinaparusahan! Possessive much?! Shadow Department approved!"

Mas lalo lang silang humalakhak nang sumagot ako ng madiin, "Hanapin ninyo si Maxime. I will visit him tonight!"

Natigil sa ginagawa ang Shadow ko sa kabilang line. *"Umm, seryoso?"* she asked.

Tangina, seryoso ba ako?

I clenched my jaw. *Yes. No. Maybe. Fuck.*

"Kapag tumawag si Maxime, divert the call to me. Kapag tinawagan ni Anne, diver her call to Maxime to morgue."

"Okay, malinaw," sagot ng Shadow ko na natatawa pa rin.

At ako? Napatitig na lang sa corridor, hindi pa rin makapaniwala sa halik... at handa nang pumatay kung kinakailangan.

Sa awa ni Lord, hindi na lumabas ng kwarto si Anne kaya nagtawag ng meeting si Axel ng gabing iyon para pag-usapan ang skydiving na gagawin ni Anne.

Unang-una akong umaangal.

"Bakit ba kasi mag-skydiving pa? Eh kung mapahamak—"

"Kaya nga nandoon kayo ni Milo para samahan," putol ni Axel sa sinasabi ko. "Hindi naman kasi pwedeng huminto sila sa buhay nila, Jonel. May duty silang kailangang gawin sa Cordonia."

"Hindi pa natin nahuhuli ang may gawa ng false fire alarm sa library," I pointed out. "Si Khristine na lang kasi."

"Gumagawa ng baby," Kim commented.

"Bagal bagal gumawa," bubulong-bulong ko.

"Bakit ba para kang tatay na sobrang higpit?" natatawang comment ni Bishop.

"Tangina Tatay? Mana pa Daddy. Ayyiieee." Nakisawsaw na naman ang Shadow sa usapaan.

Nag-init ulo ko. "Baka mapahamak, okay?! Ano bang hindi niyo maintindihan doon?"

"Sige, ganito na lang. Ikaw ang magpaliwanag kay Alec at kay Anne na hindi pwede," Kim suggested.

Natawa sila nang hindi ako kumibo.

"Kita niyo? Hindi makapalag!" sigaw ni Bishop, sabay hampas sa mesa.

"Mas gugustuhin mong makipagpatayan sa hangin kesa makipagtalo kay Anne face-to-face. Aminin mo na! May panlaban sa 'yo ngayon ang prinsesa." Sabat nang sabat ang Shadow na ito na parang kasama siya sa meeting.

Napapikit ako, pinisil ko 'yong bridge ng ilong ko. "Tangina, bakit ba nakasaksak pa rin 'to sa line natin? Pwede bang magpalit ako ng Shadow?"

Narinig ko siyang tumili sa kabilang dulo. *"Huy! Valid observation lang! Don't shoot the messenger!"*

Nagtawanan ulit sina Kim at Bishop, pati si Milo halos malaglag sa upuan.

Axel, as always, poker face. "Jonel, stop acting like a jealous husband. Hindi pa kayo mag-on."

"Jealous—?" halos mabali ang leeg ko sa paglingon. "Tangina, hindi ako—"

"Par, wag ka na mag-deny," singit ni Milo, tumatawa. "Ang sabi ng Shadow ay diverted rin ang call ni Anne kay Maxime sa morgue."

Halos mahulog ako sa upuan. "Sinong Shadow—"

"Shadow Department approved!" sabay-sabay na chorus ng mga loko sa mesa.

Kinabukasan, sa dining area, dumating ang tukso na susubok sa pagtitimpi ko sa katauhan ni Anne. Everyone was minding their own business nang magsalita si Anne.

"Kuya," tawag niya, diretso kay Alec, "gusto ko na mag-boyfriend."

Napahinto ako sa pagsubo ng sinigang na baboy na walang asim.

"Pardon?" tanong ni Alec, very composed pero naniningkit ang mata.

"Yes," Anne said sweetly. "I think it's time. A girl like me? Hindi naman puwedeng forever single. Don't you agree, Kuya?"

Nagkatinginan si Axel at Milo. Khristine cleared her throat.

"Who?" tanong ni Alec.

Bumuntong-hininga si Anne at lumingon sa akin, "Si Maxime."

Ah, tangina, hindi ko pa nasusubo ang baboy pero nabulunan ako. Para akong hinigop ng hangin, hindi makalunok, hindi makahinga.

Halos maririnig ang tunog ng kutsarang nailaglag ni Alec habang ako ay parang hinihikang inuubo.

Tapos ay biglang tumawa si Anne. "Joke lang," she said and started to eat again.

Putangina.

Ramdam kong namumula ang buong mukha ko, at hindi ko alam kung dahil sa nabulunan ako o dahil gusto kong itapon ang mesa. Si Milo, of course, tinapik ako sa likod habang tumatawa.

"It's a prank," wika ng tumatawang si Milo.

"I wonder why I can't contact Maxime. Strange... my calls were diverted to morgue," Anne murmured.

Pero bago pa ako maka-recover, narinig ko ang tinig ng tukso sa dulo ng mesa.

"Gano'n din ang kay Mandy," Khristine commented. "Baka may sira ang network."

I almost choked all over again.

I saw Anne rolled her eyes habang nagkukwento si Khristine about Mandy's diverted calls.

At sa nag-aagaw buhay kong eksena, doon ko naisip na baka si Anne ang nagpa-divert ng calls ni Mandy using Alexis, hindi kaya?

Hay nako, Anne!